



বাংলাদেশের কড়চা - ৩

ডঃ মোহাম্মদ আবদুর রাযযাক

১

‘এক এগারোয়’ বাংলাদেশের তখতে বসেন যারা;
প্রথম দিকে তাদের কাজে মানুষ আত্মহারা।
দূর্নীতিবাজ মন্ত্রী আমলা রাজনীতিবিদ টাউট,
জেলখানাতে ঢুকিয়ে করেন সমাজ থেকে আউট।
বি-এন-পি বা আওয়ামী লীগ, ছাড় কারোরই নাই
দূর্নীতিবাজ হলেই তোমার জেলখানাতে ঠাই।

দেশের মানুষ বড়ই খুশি, বদলে গেছে দিন,
হাসবে এবার নতুন বাংলা, নাচি তা-ধিন-ধিন।

২

দিনে দিনে হপ্তা গেল, গেল কয়েক মাস,
আজব কাভ, জামাতীদের এ যেন পৌষমাস!
স্বাধীনতার শত্রু এ সব রাজাকারের দল
যায়না জেলে, বুক ফুলিয়ে হাটে অচন্দ্রল।
‘বাংলাদেশের জামাতীরা সকলে সজ্জন’,
কেয়ারটেকার সরকারের এক উপদেষ্টা ক’ন!
তারা নাকি দুধের ধোঁয়া তুলসী পাতার মত;
‘দেশের শত্রু অন্য দলের রাজনীতিবিদ যত!’

এহেন মহান বানী শুনে দুর্মুখেরা কয় -
‘কেয়ারটেকার সরকার কি জামাতীদের জয়?’

ডঃ মোহাম্মদ আবদুর রাযযাক
সিডনী, আগস্ট ৬, ২০০৭

ছড়াকারের আগের ছড়াটি পড়তে এখানে [টোকা মারুন](#)